



Мэбета вадава" ила' панан' етри' мэква"!

НЯРУЙЯНА

НЭРМ



№ 18 (5292)
2026 по'
май ыры'
2 яля

СУББОТА

ГАЗЕТА 1931 ПО'
АПРЕЛЬ ИРЫГ' ЮКАД ВАТА
ХАСАВАЮДИМДЕЙ
ЯЛЯХАД НАДИБЕРҢА

СИ" ИВ ЯЛЯХАНА
НОПОЙ' СЕРТАБИВА"

Российская Федерация Ямало-Ненецкий автономный округ



Сидяңг: dkmns89 няд ханаы

Ты"
ненадумда"ма"

2

Маня" ялява"

Яна" тигувна ненадо пом' мэ"жава". Тодо" тэнз" ненэцие
ноб" няю' нятва' е"эмня сертавы. Тикы' хавна сие ниць иры-
хына яля' падаркана Россияна" ерв' ватовна едэй хэбидя яля
надимьясь. Маня" тодо" яха"на илена" нэрм' тернэ е"эмняна"
таславы. Харе" илма" нерня' минревана", лэравана",
надимдембавана" няю' нэңгу. Теда' нюртей мэтава". Нарка
яханана" 47 тянэ тэнз" тая", поңгандо' 40 нэрм' тернэ
толы". Нэрм' яхана, Дальний Восток' няна иле".



Сидяңг: Анна Ялтик' гадтавы"

Ямалхана ноб" си"ивхана
маня" е"эмняна" хуркари" мэ-
кад" серо надимдембиць. Сие
ниць иры' пудана яля' нарка
таром' ха"авравы" нэрм' тер
ненадумдаць. Ненэй ненэця"
поңганандо' жокаць. Нерде'
округна" нэвахана мэна ерв'
марцьхы вадамда хэтась. Та-
минда нод" ненэциена" няданда
нудито' терад ня"марпа пяць.
Сямянхат нарка ненадумда"мам'
– медальм' Станислав Николае-
вич Салиндер ня"мась. Пыда
иланда ямбан' округна" тер
хабцяңгад сибдамбись. Теда'
ня"амвы ненадумда"мада ненэся
индя ядан' недво"мэда. При-
уральской районхад нэда Галина
Николаевна Окоэтто жока нюм'



вадась. «Мать-героиня» нювм'
мэ"жа. Ханяңы" нюда невхы"
принато' ила' саирм' нэда".
Ты пэрҗа", халяда", мал' тас
хияриңэ хаяць.

Тандая' сидндет ю" помда
ядабтавы нява", Нина Ни-



колаевна Ядне җани' нерня'
надимьясь. Ноб" лекарем' – Ана-
толий Владимирович
Тадебям' җани' ненадум-
дадонзь. Пыда тедала-
хана җацеке хабцяңгад
ерпида. Округханана"
Анатолий Владимиро-
вич сямянхат ненадо җа-
цеке" лекараңэ толы.
Хабцяңгад сибдавыта
небья", нися" лекарамдо'
етри' сава" вадаха"на
тензибтембидо'. Пяку"
я' няд товы – Хэно Ири-
на Сергеевна" җани'
саву"җадонзь. Сяхарин-
да манзаяхананда нэрм'
тер" нямна сейда пили"
няркнасеты.

Тохолкова' серм' минревы"
таняць. Нобто' – Лидия Алек-
сандровна Яндо'. Салехар-
дахана пыхыдадо' хабцяңгад
сибдамбада" җацеке тохолам-
бись. Тикы манзаямда ныла-

на хэванда ёльцянд' минре-
дась. Хусувэй тохоламбавэда
илаңгананда таңэда ненэцяңэ
хаясь. Тедалахана нарка нямдо'
нидо' юрибую".

Илна" саирм' нерня' мин-
ренина" поңгат жока хибям'
манэ"жаваць. Татьяна Лар',
Нядма Няруй', Екатерина Са-
линдер' сё теневына". Няндо'
инзелесетыва". Роман Хасававич
Яндо Новой Уренгойхана музей-
хана манзарана, тарем' мась:

– Маня" нарка маркнана",
Новой Уренгойхана сабе жока
нэрм' тер илена яңгусь. Пудана
по" җадибелына". Таяна илена"
ненэй ненэцие" ила' саирм'
ехэрадо'. Сидна" торомдавандо'
е"эмня хусувэй яля' варева"
мэ"жава". Манзаява" манэ"җадо'
ихиня жули" сава.

(Пеляда 2 стр. җа)

Марина Яр' падвы

Мюсерта" е"эмня таславы вато

Хусувэй Россия' тер харта нарка па-
дарта тая – паспортда. Хибя нэвада,
еркарада, сяха', ханяна соя"мада мал'
мюнянда пады". Тикы' хавна сямян-
хат тарана – «регистрация».



Сидяңг: Марина Ярой'
гадтавы

2 стр. җа

Выңгана соявы паднана не

Нина Ядне Россия'
нардавна юнета пад-
нана ненэй не. Ямал-
на" тер" сававна тене-
вадо'.



Сидяңг: Марина Яр' гадтавы

3 стр. җа

Мяту" та'амна дятыдьяш"



Чуки пома" – де-
чашама пуңэ тунды,
Ямална җадка ведв'
таньше тасламы.
Дечашама – ненэй
җадкамана нешант
тада. Чуки ноптуху-
на кулкади" кавша"
нҗчимшту".



Таттама: Автор: Лариса
Айбаседо патмы

6 стр. җа

Ты” ненадумда”ма”



Тюку илаңгана хуркари” едэй” мутра” һадибелыд”. Ханяңыдо’ һарка няд”-маңэ тара”, илма” сибимдемби”, һамгэ тарана серм’ мер’ тидхалемби”. Хой’ илаңганана” һод” һани’ мэ”эйдо’. Һоб” юн тарцясь. Ты пэрмахана ехэрана мутры мэ”ма” нямна һа. Тарабцонда таниявам’ вадамбой’ манэ”-лабтаңудо’.



Сидяңг: dkmms89 няд ханавы”

Россияна” тиңгэвна нюртейңэ Ямалханана” һадимдевы серңэ ваде”һадо’. Тикы проектадо’ «Безопасная тундра» нюбе”һа. Ненэця” тыто’ ханяна хадырмам’ ёңгато’ тяха’ тебдевы” мутравна маниеңудо’. Тарця ехэрана серм’ Ямальной районхы нэрм’ тер’ нядабада «Ямал» нюбета

движение няби нэрм’ тер” управлениадо’ минреди’. Манзаидо’ округна” нермбэртя” грант’ есявна тидхалембидо’.

Тикы проектан’ 31 ты пэрти” организациям’ мэванзь тасламби”. Вадавнато’, тарем’ ты” хадо лэтраван’ харва”. Хэвы си”ив яляхана Панаевск’ вымна

мюсерта” ты пэртяха” тэвормы”, мале сидя спутникхад мэта сярасьм’ ты’ ик’ тяха’ тебдевыць. Тамна Яр-Саля’ хэвхы мюсерта” ненэцие” тэхэ” тарцядамдо’ сертаңгу”.

Хахаяда яля’ мат” һарка һэсы” юкад вата хасаваю” ёнар” ты проектхана манэ”манзь тас-

ламби”. Һокханда юр” ёнар” тым’ тикы проектхана мэта”.

Сидяңгахана МОП «Ярсаляинское»’ Василий Худим’, «Харп» ТСО КМНС’ терм’, Андрей Яптикм’ маниеда”.

Марина Яр’ падвы

Маня” ялява”

(Нердена пеляда 1 стр. һа)

Ненадумдавы” поңгана илебей” ненэця” һани’ танияць. Няч Максим, Тасу’ явхана сёбар” һацеке тидхалембада. Манзаяда етри’ сэван’ һади. Тохолламбадида сяхаринда нерня’ ха”морһа”. Ваднанда яна” тер” поңгад ненадо һэванда.

Санкт-Петербургхана тохолкода, «Вано» клубм’ сертавы Арина Вануйто һобтике нерня’ һадимьясь. Пыда тарем’ мась:

– Мань тохолковани ирмня яхани лакри’ тодамзь. Ихиня һули” сава, ненэй ненэцяңэ хуркари” юнета” нина” тания”. Теда’ тю”у” миндяңэ

сидто’ пыдабана” тара. Тохолкодаңэ яна” хэвняна илма” манэ”лабтамба, вадава” минре варева” мэ”һава”. «Вано»’ тер” сяхаңгарт’ хибяхартадо’ пуня’ ни һэсету”. Хусувэйва” тарем’ ненадумдаб” сава һэңгусь.

«Няръяна Нэрм» редакциява” һани’ ненадумдадонзь. Тикы’ няю’ маня” вадава” лэтрамба хусувэй яля’ варева” мэ”һава”. Һамгэхэрт яля’ ня’ һэда серкана пуня’ һэдава” нива” һа”.

Тарця юнета ненэця” округханана” тания”. Хусувэдо’ харе” манзаяхананда варемда мэ”һа.

Марина Ярой’ падвы

Мюсерта” е”эмня таславы вато

Мюсерта” нина” харад” тердарев’ Россия’ Һэвахы табекко һэда иле”. Таңга, хынёси” илева танияд паңгды. Яна” тиңгэвна хусувэй тэңз харе” инда сер’ ханзер”, ханяна илевамда, манзаравамда харта тасламбида. Тикы закон” вато” ня”амбидо’, мэйрамбидо’.

Тикахад хусувэй Россия’ тер харта һарка падарта тания, паспортда. Хибя һэвада, еркарада, сяха’, ханяна соя”мада, нюсавэй, нюсьва һэвада мал’ мюнянда пады”. Тикы’ хавна сямьянхат тарана – «регистрация». Тэри помнана” «прописка» һэ нюбецетыва”, Ерв” ненэця’ илесь я ханяна һэвам’ танияд манэ”сарһадо’. Хардахана илена илесь ёто’ ненадумда”маңэ хардатто’ нюбе, мядотто’ толыр” мэ”һа”. Вы’ тер, пэдарта’ тер’, таңоцяңга”на нядэна” һамгэм’ падаңгу?

Невхы ила’ саиркад тарем’ таславы: ненэй ненэцяңэ илма” тэхэт пере. Выңгана, пэдарахана илена” ты пэртя” сяхаңгарт’ һопой яхана понни” мэсету”. Тыто’ хадо сянзь етри’ мюсерһа”. Недармидо’ похо” таславы”. Харад’ илаңгана тарана” серодо’ таславанзь хахаярка һэда хардахандо’ ха”морһа”.

Танияна һаврадамдо’ тэмдаңгу”, тарабата лекар” мят’ тюңгу”, хабцяңотто’ таниявам’, яңговам’ таслаңгу”, ервхат хонравандадо’ танияб”,



Сидяңг: Марина Ярой’ падвы

һани’ нядандо’ хонаркода”. Нюдо’ һобтике танияна тохолкурһа”, интернатхана мэ”.

Мюсерта” ненэця” паспортха”нато’ илесь ядандо’ мюсерць ёдо’ падсеты”. Тарем’ толаңгур: «Сеяхинская тундра», «Гыданская тундра», тамна һани”. Едэй илаңгана тарця һэбта вэва. Неноховавна нэрм’ тер” е”эмня һадимдембада” няд”ми ня”ма тараб”нанда, илесь ядо’ һопой таславы яхана һэбта тара. Һани’ сер’ няд”мидо’ ня”ма нидо’ пират”.

Паспортхана падуванда хардаңэ вы’ тер һэсында хэвхана һэдам’ тэра пирһа. Нермбэртяңэ тарана” ерво” манзарась ям’ илесь яданда падаңгу”. Тарем’ е”энянда һадимдембада” няд”мида ня”ма, тамна илаңгана тарана” серода тасламба таңга пиртада.

Ненадо паднава

Россия яна” һардавна тодо” тэңз мэта” ненэцяңэ 1941-1945 похо”на һэвы һарка сайноромам’ сяхаңгарт’ нива” юрыбю”. Вадёдана” нюкцина” хуркари” яля’ няю’ һэда” серк” табедамбина”. Саюхат ява” лэтравы” иринана” тензетембива”. Неноховавна ты ниць ирыхына һэванда Победа’ яля’ нерцюна ненадо диктантм’ падыбиваць.

Тэхэ” я”авлада похот мале сиднет юкад вата нюртей пом’ мэ”һава”. Е”эмнана” ява” лэтрамбавы” ненэцие етри’ тенейна”. Хусувэй һарка маркана, нюдя хардахана паднаваць. Диктантхана һокханда сидя юкад вата самляңг хонаркова’ вада һэвысь.

Ханяңы” нина” һахакуд хамаковыць, теневабцудо’ һокамдамбавыдонзь. Тарем’ Си”ив Харв маркана тохолкода не һацеке Алина Кинчина интернет’ мутрам’ няд”мяць ненадо” сайнормы” ненэцие” нямна толаңгурмы.

Нядаңгардахана «Ямал-ню”на” я!» Ассоциация’ тер” һобтике паднавы”. Мал’ харто’ ембляродо’ мэць товы”. Вера Павловна Окотэтто тарем’ лаханась:

– Тюку по’ падыбавэва” саць тоенаркась. Ханяңы” серо һули” ехэравына”. Нензел” нивы һа”. Сидя по’ тяхана паднавана” малъһгана хаця сибёркась. Тамна һокаркавна толаңгоб”на” таравы. Масы” һани’ по’ ёльцянд’ теневабцуна” һокамдабцуна”.

Тикы яля’ Новый Уренгойхад һарка тиртя һанохона Сочи март’ һэдалёда” һани’ паднавы”. Георгий Константинович Жуков маршал’ ед’ тидхалёда диктантм’ тире” тяхамна һэдалёвандо’ сер’ падвэдо’, ёльце тяхасовна ибедормы”.

Тарем’ Һарка Победана” ялям’ һатева”. Саңговота сайнорма’ похо”на һэвы” иле”ми тензетембива”.

Галина Окотэтто’ падвы”

Выңгана соявы паднана не

Нина Ядне Россия' ңардавна юнета паднана ненэй не. Ямална" тер" сававна теневадо'. Хибяхавм' манзара ня"мэда, ңани" – переняса, Тасу' я' няңы янда тер", тэри ңэрм' илам' тохоламбада", паднана", юне тэволана", тамна хибяри". Падвыда ңани" ё" терхарт" толабидо'. Манзаита е"эмня хуркари" ненадо нубеда тания".

ИНДА ЛАТА НЕНЭЦЬ'

Теда' мань ңобтики вадами ня"амнанда мэ"ман харвадм'. Сяхари ңобт' тэворпани' нердена мэва' сидга манэ"мами тензебетесетыдм'. Ими савумзеты. Та' мальңгана Саляңгардыхы колледжм' ёльце"махадани Санкт-Петербурҗана тамна' тяха' тохолкурҗадамзэ. Хибя ңэвамда, депутатҗэ манзаравамда теневавасэ. Ханя тарем' ңа", Саляңгардахана ңацеки тохоламбадаҗэ тохолковани мальңгана падвыда толабасетына". Сидна" тидхалембавы луци нева" Лидия Васильевна Фёдорова ңули" савуцетыда. Тарем' таслаб", нюмлимда намдорцетыва". Сырэй ныланава' каникулни" пуд мякдани тиртя ңанохона хэсэ таславасэ. Билетадми Москва март' тэмдадамзэ. Та' мальңгана ңока ненэцие" поңгад си"ми харта манэ"ңасэ. Хэвхани то, ненэй вадавна хибя ңэвами, ханя' ми"мами хонра. Ма" нив": «Тиртя ңано' мюня ңоб" хэвхана ңамдгыни"». Москван' тэв"махадани', Нина Николаевна харта серода тасла"махаданда, наҗэдя яля' си"ми ханяримна ядэласэ. ңобкана Кремль хэвувна ядэрҗанинзэ. Россия яна" ненадо ям' ңули" сомбовна манэ"ңавасэ. Пэвсюмя' няна Санкт-Петербурҗан' еся сехэрэв-на хэванзэ тасламбивасэ. Пыда поездни ёльцянд' си"ми тэвра, ңаворикуни" падм' тюле няда. Хар"ни мяни тер нями нята то"олхадамзэ. ңадбьяни илни ямбан' техэ ялэни тенейн. ңули" сёнзянда мюй сибё ненэцэ' ңэвы. Тамна тасиримна си"ми сяммакы.

ЯНДА ТЕР" НЯМНА ПАДНА

Ненэй ненэцие" ила' саир'

нямна падвэда ңока. Ханяңыдо' ти": «Я родом из тундры», «Сердце, отданное ненецким детям», «Жизнь в двух мирах», «Древо жизни», тамна ңани". ңокхандо' – юкад вата самляңҗ". Ханзер" паднанаҗэ хэвамда Нина Николаевна тарем' тензебетембида:

– ңока яна" тер" нюртей падвыдо' «Няръяна ңэрм» газетаханана" ялям' манэцеты". Мань ңобаңгуна ңобтики «Мрна» нубета манзаями Хабэча Яунгадан' тэвравасэ. Пыда толаван-да сер' ёльце саву"ңадасэ. Тикы' пуд мань паднавани таром' тамна тяхасовна хамедавасэ. ңэрм' яни тер" ила' нямна падна пили" таславасэ.

Тикы' хавна илебей ңэванда мальңгана сямянхат ненадо паднава", Леонид Васильевич Лапцуйм' теневавы. «Древо жизни» книгахананда ёльце савовна ня"амнанда падна: «Москва маркана мале нябимдей по' тохолкудамзэ. 1966 похона сыра' си"ми тохолкось' яна" ңарка ерв' лохон' хаҗаць. Тювани' сер' толь' тыхана ңамдэдам' манэ"ңадм'. Таминни хамедав – ненэй ненэцэ"! ңудамда няюни вэңгала: «Торова, Нина Ядне! Мань нюма-ми – Леонид Васильевич Лапцуй. ». Падвы манзаяхабида теневынасэ. Тарем' ңод" хар"ни сэвханани манэцэ ехэравасэ. Лэда ламдимбой, ңармэрка ненэця' ңэвы. Ванерабтё няни сырҗа. Мань тамна тороватвахартами юрвэдм'. Пыда ңани' вахалгый": «Нина, пыдар ёльце пэдаван, сававна тохолкурҗан. Маня" яханана" сит саву"ңава"». Ти, тарем' ңыхы" похо"на таңар" юнета паднава" Нина Николаевнам' торомдавы. Тамна мэкад сер" таниявы. ңани' яңорэй' ңарка март' тэвор"манда мальңгана Леонид Васильевич нянда тарця" вади мэ"мы: «Нина, паднабат тара! Сит нядаңгудм'. Ненэй ненэцяңгат хибяхарт ни падна". Мань ңули" ңопойридм'!» Тикы' вадида Нина Николаевна ңока по" хэ"мяхад тензебетевыда. Ненэся, Леонид Васильевич табеко' сер' ңарка паднанаҗэ хая. Юнда Ямал' хавна, тодо" ё" тиңгывна хан"җа. Падвыда толабада", харвабтана" ңока.

Сие ниць иры' сидя юкад вата синддетимдей яля' Саляңгарад' тер" 80-й соя"ма' ялянда ед' ңобт' ма"лурҗаць. Яна" тер" юнета нява" майб-тамба сава вадари мэ"ңаць. «Няръяна ңэрм»' редакция' терҗэ ңобтики танияна мэваць. Теда' е"эмнанда ңани' лаханава": «Нина Ни-



Сидяңг: Анна Ялтик' гадтавы



колаевна, сит тенева", падвыд толабина". Паднава' серт етри' хайна миңая. Вадандныхы сидна" няда-бая, ненэй ненэцие" пармҗэ тамна пон' тара"».

Галина Окогэтто' падвы



Сидяңг: Марина Яр' гадтавы"

«Няръяна Ѓэрм», недарма

1931 **НАРЪЯНА ЃЭРМ**

1949 **НЯРЪЯНА НГЭРМ**
КРАСНЫЙ СЕВЕР

1972 **НЯРЪЯНА НГЭРМ**

1987 **НЯРЪЯНА ЃЭРМ**

1991 **НЯРЪЯНА ЃЭРМ**

1997 **НЯРЪЯНА ЃЭРМ**

2012 **НЯРЪЯНА ЃЭРМ**

2020 **НЯРЪЯНА ЃЭРМ**



Ямальной районхы «Ямальной» совхоз-няхаромдэй нэсыхананда манзара ненецие бригадирчэ мале жока по' ямбаха' Олег Омдювич тара. Тикы не-нэць ты' манзаям тей тохоловэда ни' жа. Пыда жацекы чэванда ханцеты'. Ѓопой Олег Омдювич хэвня' хэбян ни' харва. Пыда жаб-

Совхозханандо' нер-деня няхар ян' ха'мор-тигы совхозхана жо-б та бригад' поңгана хынибэй ненэцяндэ'. Олег Окоэтто ня'ам-бада цэсы' тер' хусу-вэй по' мэсеты'. Ѓэ-сында ты' лекар', ха-няңы ты' пэрти' по сер-ранда хаммахад, ха-манзараць. Ѓэрэй сы-цани ян' манзараванзь барманда тыдо' харто ян' яңгарейдонзь. Тад-дикад янамбовна Сэ-ни' харва. Пыда жаб-

ца ты' пэрти' поңгад донзь. Ѓани пото' тот-рев' цани' нерденя ян' ха'муванзь ятна'. Олег Омдювич Окоэтто' ты пэрма серт хаммаха-данда сехэрэда жади. Тюку Я. Хабэча' тад-тавы сидяңгахана ма-ниенара' О. О. Окоэт-то. Ѓани сидя сидяң-гахана цэсы, вэрнана ты'.



▲ ТЫ' ПЭРМА ЯЛЯ ЃЫЛ' МЮСЕ

Тюку цэрэхана сыра-ва' цоляри' хаммаха-данда, цани ни' холка'. Тарця сер' ты' пэрти-на', ханецина' илаңга-на сава. Лимбякавна ха'амвы сыра нимня не-нэциена' мюд' яля цыл' мюселъядаць. Нерденя цэсы' паңгандо' мэ-та хардато' хэван тэ-выдаць. Ты' лекарадо' тюку яляха'на саць тэ-тна'. Толаңгу', тэраңгу', тад мэманда ялэдо' та-сламби'.

Мале цахакуй похо'-на Ямальной район-хы «Ярсалинской» со-вхоз' ханибтенгосям',

Ханена' хане'

«Ямальной» совхоз-хана 112 ненецяндэ' ханенаңэ толы'. Пыдо' ханенандо' сэр нохом' хадаби'. Мал' цокхан-до' томдаба нидэ пэр'. Хэвы по' 95 ёнар еся пирувна сававна хане-нидо носи" государств-ва' няюв ми'жаць.

Социалистическо-пирдырмахана нерня'

на миндито' нюв ти' М. С. Вануйто. Л. А. Хоротэтто, Н. А. Око-тэтто. Хэвы по' Григо-рий Пареденявич Ва-дунуйто, цокханда ням-вэда 52 нохо'.

Тюку по' пися тянэ. Выңгана нохо' ёльце-ңамлута. Маси' плана-до' томдабадидо' жо-

Иван Истомин

**ЯМАЛНДЕР'
НЮ' Е'ЭМНЯ**

Нумда нимнан
пэвсюдана,
Мань нгэсын нгэдалыдм.
Ниня харьбада тет
парисе'эми'
Тэри ихиндо' сиднгэды'.
Таняна нгысыхына,
клуб' ниня
Няръяна флаг
лабабтэдакы.
Таня, нгэсын хувыняна
Нгока хан' ты
тутнакы.
Хахаяда тэхэт ненеця'
тута',
Пыдо' тэранзэда'.
Ямал' яндернгэ нюндэ'
е'эмня
Харто' голосдо' мита'.
Мань нго' таня'
мингам,
Ханни вэняна—неми.
Мань сямьян ат
нюртейнгэ
Голосми ми'ман
харвам.
Нгадьбянда нгод ханни
тэнгэ
Сямьянха п саво мань
подернгам.
Ти мале нгэсынд
тукоця'
Нердани нгадибернга'.

1951 похона падвы

1990 похона падвы"

СССР наука' нимна нгэда Академияхана давской ССР, на манзаран
Нунадо' Николай Тэйдэвич Око-тэтто ханена ненець. 'Буранм' сулурпададо' Михаил Нэкович Око-тэтто. Ѓани ханена не-нэць. Хэвхыда Алек-сандр Париденявич, Ва-нуйто, Пэвко Майма-вич Окоэтто. Мал' хы-нибэй хасава! Мякан-до' мимандо' сер сехэ-рэндо' ни', нултавэдо'. И. И. Пырерко тотрев' царка таром' совхоза-ндэ' ед ха'аврамби'.

Х. Нямбара'
падвы.

«Мел" не» ю" пода

Округханана «Ямал-ню"на» я!» Ассоциацияхана җармы" ненэцие" Совет манзара. Җоб" «Мел" не»м" нубета кружокдо' тая. Пенсияхана мэна" не" тикан' турҗа". Җобт' ма"люрҗа", серодо' тасламби", сэдора", панорҗа", хуркари" җамгэри нудахана сертаби". Харто' манзаито' нямна падна".

Хэвы си"ив яляхана клубандо' соя"ма' ялям' ядабтамбиць. Ю" подандо' хаясь. Тикы не-надо яляндо' е"эмня җарка выставкам' сертавыць. Таҗок по" ямбан' сэдвыдо', паҗгалмыдо' манэ"лабтамбиць. Җэвахана мэнадо' Татьяна Александровна Ямщикова тарем' мась:

– Тарҗа тарана иҗуд җавна Окоэтто Елена Николаевнан' товысь. Пыда ма"нисяв: «Маня" нива" манзара". Ханяҗына" тэри җопой яхана җамды", хэвня' ни" ханас". Тарем' ма"люрҗа нина" хар"на" нерня' пэртярхава" җэҗгува". Няхана" енаҗгува"». Тюкова" нердена җарка выставка" ни җа". Ю" по' сер' хуркари" тарана" җавэ сертаваць. Теда' сайнорта" ненэцие нядабива". Пыдо' е"эмняндо' юдерсавэй носкадамдо' паҗгалпива". Няна" ядэрта" тад' нерня' тамна варемдо' мэта".

Җоб" си"ивхана җобт' ма"люрҗа". Мал" җэрм' тер" не", тодо' тэнз". Паркола", сэдора", җадьбято' – «Мел" не"». Ненэй не" ядхана хабей не" җодякохот панор"җа". Паской" имбытадо сэдывасеты". Яберена" ик' тяха' серыбада" җодякудо' паҗгалпасеты".

Теневана" манзаидо' тамна' тяха' җацекэхэ" вадэ"ядо', пыдо' няндо' сыраць җобтарем' сэдораван' харбиласетыд". Тикы' хавна тарана" серо падыби",

мал" җобт' ма"ламбидо'. Нидо' сэдора, панорҗа тохоламби". Хаданана" пуны' җэда" ни" җа". Ил' нерня' миҗа, пыдо' мале җарма", ханяҗы" нидо' пилибт" нядандо' мараҗгыманзэ ханҗа". Тикы нидо' хэбидя яляханандо' җани тензэбтейдонзэ.



Манзаито' помна сяйҗа", нито' соя"ма' ялэ ядабтамби". Сейхад миндя" вади помнандо' мэцеты". Хусувэй сава серкана мал" тарасеты". Лакри' нидо' манэ"пато' майсетыд". «Мел" не» кружокхандо' тандая турти, сэдора ехэрани харто' тохоламбидо'. Тодо" явна хэвандо' нерҗона Валентина Нёлековна Няруй, юнета нява" тарем' мась:

– Пыдар җод" җани' тоин", җопойҗэ нён җамдю". Җэрм' яханана" неҗэ мал" мелва". Тоб"нанд ня"анд җули" майҗгува".

Ти, тарем' «Мел" не» клуб' тер" ю" по" нидо' майбтамби", масиёдо' няхато' тэворҗа моёпидо'.

Марина Ярой' падвы

Сидяҗт' Анна Яптик' тадтавы"



Елена Николаевна тамна пэвры

Нельмин' Салыхана

Җарка я' юн

Тандаярка' Нельмин' Салыхана «Варҗэ ялям'» ядабтамбиць. Җэсыхына илена" хэбидя яляхана ныланаць.

Хой' тер" хусувэй по' тарҗа ялям' җатесетыдо', ивьер' хамекосеты". Пи' сата мерҗа ваера"махад хувэда савась. Нумда паскоясь, ненэҗа" хаярэконт' маймбась Долгой нубета то' няю' ядаць. Тюку по' хэбидя ялядо', тэхэ"на җэдалёрмадо' җод" таяна ваерась. Җока хибяри" ма"лыць, җатенавандо' сер' нидо' лаханакон' ня"җаць, мят' туюҗаць, мирдатна" җавори манэ сарҗаць, тэмдорҗаць. Мэбета", пирдырмахана ныхыта" сава нидо' ядабтава', маймбава', җэрм' тер" ила' саирм' манэ"лабтамбава' ялядо' миҗась! Яля' сёбар" поҗгнандо' хуркари" пирдырмахана ныхыдо' хорпиць. Тэхэ"на җэдалёрҗаць, сёхо" инзелець. Җудикода" манзаи манэсарҗаць, хуркари" мэкад серка"на сянакучь.

Нельмин' Салыҗн' общинахана тыдо' пэр-

та" мяд' тер" тэсавэй" тэворҗаць. Пыдо' тэхэ"на мере"мамдо' манэ"лабтамбиць. Хойхана мюсерта" юкад вата ненэҗа", тет не" варемдо' мэць җэдалёрҗаць. Хасава" тюку мэвахана санарҗаць, ярколаць. Тарҗа пирдырмахана ныхытидо' тянэ ниць җа". Ты пэртя" пирдырмам' маниеванзэ товы" җокаць. Җыхы" похот тэхэ"на мэна" – Талеев", Яв-тысой", Ледков", Лаптандер" мяд' тер", тамна җани" таяҗаць. Паской" ембдьяродо' мэць товыць, сидто' мание сэвхана савась.

Николай Тайборей харта тыда пэрҗа. Сидя нюда хэбидя ялям' мэ"манзэ едэй мальциди', те"эмсавэй" пибиди' сервэхэнзэ. Пухуҗада едэйвана сэдвы паской панэмда мэ"җась. Нюдя яхана мюсерта" ненэҗаҗат яҗгась.

Маня" яна" терхав" мальҗа", паны", пива", тобак" җамгэ җэвам' валакада юраҗгудо'. Нюяк' сяха' хойхана мальҗам' мэта ты пэртям', панытана некоҗам' ядабтаҗгун...

Ханодо' хамадавы" хой' тер" пирдырманзэ

тарпыдаць. Хусувэндод' сёнзьянда мюй няр-кнась, ихинандо' нердеван' енаць. Тэхэ"на җэдалёрҗаць' пирдырмам' хасава" пядонзэ. Җахакуд сырта" җатена", теневана" нидо' сэвханато' пурҗа", поҗгнандо' маниенидо' вадэ"җа". Пирдырма' ямбан' яна" тер" тёр-ридо' сосеты".

Нюдя яхана тюку по' тэхэ"на җэдалёрма-хана сямян ныхытаҗэ Алексей Ледков хая. Пыда нердесь, тыда ёльце мере"җаць. Сян еҗ-гавна няхаданда Владимир Талеев хаёвы. Не" поҗгана нерденаҗэ Ольга Явтысой җадимьясь, пуданда – Маргарита Ледкова, няхаромдэй – Таисья Талеевась. Община" мяд' тер" поҗгана сёбар" мэбетаҗэ СРО «Нерута» хаясь, тэхэ"на җэдалёрмэхэт – Леонид Лаптандер.

Пирдырмы" мал' мядонзэйдандо' ня"маць. Маймба тодо" ян' мякандо' җэдалэйдаць.

Юлия Талеева' падвы



Мяту" та'амна дятылдеш"

Чуки пома" – дечашама пуңё тунды, Ямална җалка велд таньше тасламы. Дечашама – ненэй җалкамана нешант тада. Чуки ноптухуна кулкади" кавша" җычимшту". Ненымана тавсудта" деча" вайма". Пу" тахана җука тэмс неша" тондакота" дечахана" канындашту.

Тадям' лекды" выҗкна дидина" нешаде", канадмантуҗ тайхана, недьшут палтонхана шичилпёштутуҗ. Надаҗ Талкахай лекал" мякна мансланна" нешай" җысы"мана дятылдашту". Валныҗ дидина чуувна мэна" нешади" палтонхана шичилмантуҗ мэты, лекал" чидта кан'хана мяту" та'амна чидяш". Кот" дечахат, кыҗкуду" дечахат", җыди" тавсудта" кавшаҗкат" выҗкна дидина" нешади" шичилпитоньш. Шичилмантуҗ недья нешаде" кондаштуҗ, нянатуҗ каныдмантуҗ нямна дюничадьшту". Латтуҗ, шейнтуҗ деч" дет дюньшидюдьшту", шодютуҗ манэшту". Кимья ни канэд, тальша нешиндим палтонхана шишшту".

Лекды" маньшту", тавсудта деча неньшадмана хомяхамтанана ниҗа. Выҗкна дидина нешиҗ канадпата, чики минханта мел лекал мят' тош' выниҗта пидас'. Тадям лекды" пу" тахана нешаде" тондакота" дечахат" шичилпёштутуҗ. Палтонхана ши'мы нешиҗ, лекал вихиня, канадпата җотнаҗ, дечата мел



хомяхамты. Ненымана җалка нешаҗкна", җашки'удехана" тавсудта деча" вэйма". Тадям кимья прививкам' җамтаман ха'җа", тальша нешай" чупей шичилдятоньш". Таньше куптана дидина", выҗкна мэна" нешади" дялҗан падиломатоҗ хома шел.

Четаҗ куняҗи" вэку", пуша" калват някудёл тэвнана выниҗа". Пон җамтампючетуҗ прививкетуҗ камна, чуки похона нешаде" мыт дечахана канадмантуҗ тайхана шичи-



Таттама: Лариса Айваседо патмы



лпитоньш. Дакхай похо"ты җука дяҗ тамна хамум ташту. Хамуҗ минюмахат дя вомшту, вит" җэланаҗё ништу кай. Тадям четаҗ канадмантуҗ тайхана

выҗкна дидина" нешади" гепатит'А нимита дечахат шичилпитоньш.

Чикиҗ камна каныдмантуҗ маньмантуҗ мэты, лекды" нешай" кыму" нэхэпиш". Кимьяҗ мят куняна җаймям лекалки" нешай" дет тасдета управленихина мансланна" тапаташтуҗ, «Ямал -нюна" дя!» нимита ассоциацихит мэна" нянатоҗ дятэдышту".

Чуки похона җыдихийтуҗ шел лекды" җука мяту" коҗаш". Выҗкна, петадахана дидина" нешади" чупей шичилмантуҗ мэты, няхад дидиҗ выҗкай мятумана дятылды".

Таҗи пуҗ дет каматы"

Нумдюпяма, дяҗа" димпума". Выҗкна нешиҗ җайватата җука. Чуувна дидина" ненэй неша", капи" чейня мансдатуҗ җокамшту. Мюшалта" неша" таҗичохой мэндматуҗ дётэхэтуҗ кан'нутуҗ, җамлотуҗ тайвашту".



Таттама: Лариса Айваседо патмы


Ты" паделдеш, калиташ мансламантуҗ камна, неша" мякна җайвашту". Таҗи пуҗ дет каматашту". Дюднуй надакохона канну"туҗ пят пенташту", тунтуҗ пят тыҗ канхана тайвашту". Вэку", пуша", неҗи" мел дюдикана, хыданта мыдюҗайтан пудюдоньшкэшту", вадамантуҗ пят пюдьшту". Ни" ваданаш чепяшту", пятуҗ матудпёшту", пайташту". Ненэй дилхана мансдя җука. Шаҗкмян җамыдөтоҗ чуувна дидина" нешаҗи" каль-туҗ нэхэха"натуҗ, кальтуҗ җутаха"натуҗ шелташтуҗ.

Четаҗ җалка чешчи" хитамахат, дяҗи" димпумахат куки" неша" тытуҗ дянмтампёшту". Кэхэтана" тытоҗ дянаку" ты" поҗт нютдештутуҗ, тай"ня таньше тыҗ кан'нан тохолодаштуҗ. Шетшата кан'хана мэта тэҗи", дяҗяҗ дямпхана җайталдеш мэп җотнаҗ, мел вы'ни нэшаламт. Ты" паделдеш мансланна" дяҗи" вачумаҗ недьшуна кысуй, хома дяҗ дямташту". Совхозхана

тэхэ"на мансланна" чейня, ты" вачумаҗ недьшуна тытуҗ җысы дяҗи"тахана җомтапёштутуҗ. Дяҗитуҗ җатан, җука ты" кам тэдаштуҗ.

Ты" вачутанлап, мансдя тадёмшей җокамшту. Ходю'уди" дэхомаҗ тайхана, неша" тытуҗ писамэй ведаштуҗ. Пя" поҗкна дидина", кальтуҗ тытуҗ падида" куки" неша" кэхэтана", җатан нятуҗ кам кэштота" тытоҗ пяташтуҗ. Таньше пятамы" ты" куптаҗ ништу" кай". Тыҗпям мевштатуҗ пятуҗ җупчики чейня пенташту". Дяҗи" дячамахат, вай'напташ чепьмахататуҗ тытди, недьшут пентамайтуҗ пяхататуҗ, мидьш чепяшту". Ни" җупчики җука җайватам мэшту": кастамытуҗ пенитутуҗ, коптуҗ мэдяпёшту", хайтудашту".

Тадям четаҗ таҗи пуҗ дет недьшут каматы. Шиниҗкуна җалка" неша" маньштомай": «җамыди нешиҗ недьшут хома-на җанатанай, тай"ня таҗичомта неньшадмана матанаҗата».



Хореко няби писякоця

Ов, вымна ху' ед' җабта җод" писякоцяр миҗа. Ҳэқцида хэбицёко", ямбака"я тэвакода җуво" понд' таркаҗга, пыда тикахад лахацие" понд' мантырҗа. Тарем' яднаханда җули" никада, ныхысялма. Лахацяко' ни' җамды", тодо" явна сырҗа. Ов, җари" хахаяко хадыр-та хорекоцям' манэ"җа. Хореко нямдода ямбака"я", җэқцида пирцяка"я".

Писякор вабта ма:

– Нявэй", хорекоцёв, ханя' миҗанэй? Пыдхавар җэқцид пирцяка"я", лахацие" ваҗго тари санарпид, нямдод ямбака"я", сянхана җыхы ян' сит манэ"җадм'.

Хореко лахананам' тикырихина манэць я"мада, тэри васарҗа. Тад савовна сылаванда, лахаця' ниня җамдёда писякоця лаханавы. Хорекоця җоб" җосабтэй", тарем' вахалҗй":

– Ненэсянда җэқцини" ямб", лахацие", неро" нимня тэри санарҗадм'. Ҳыхы ян' сямян җамгэм' маниедм', хубта ями яҗгу. Ет' хуримна ядэрҗадм'!

Писякоцяр мунзипой" инзеле, җамгэ' ёль-цьҗгана манма:

– Хореков! Пэртями яҗгунё, лакри' сян-кохони', лынзекуркани'.

Хореко минханда нянда вадаха" намда, тарем' вахалҗй":

– Ҳамгэда вэва! Лынзекохони'. Нерде' хуюми' лыҗгараҗгу?

Писякор җоб" тарем' нянда вадаха" маймба ма:

– Нерде' пыдар лыҗгараин, мань сит пюр-тадм'.

Тарця вади" пуд хореко нявота хая, ха-хаяда пензя' мю' сакада, тания' лыҗгарэй".



Ҳамгэ' пиркана писякор хорекомда пюрць хая. Ядванда сер' я' ваҗгаха" мантырҗа, хэ-бицяко җэқцида варето' нерня' миҗа", ямбака"я тэвакода җуво" малха" пэбтаҗга. Хуркана никада. Лахацие" ни' танасеты, хореком' ханя-хартана манэць я"мада. Ҳули" ныхысяламзь лакри' хэд" и' җут' ха"мы", тёрей":

– Хореков! Сит мань җаха"на манэ" җа-дамзь. Нямдот" малкоця" җыхы ян' җади". Тальняку' ту", хэвхани, сит мале ходм'.

Хорекор нянда тёрм' варета намдада. Нямдота мал писяко манэ"ман' ихинянда пынрэй". Пензя' мюд тарпы", тую" танэй". Писякомда тёранда ед' варета манэ"җада, хацяда танас". Писякор ма"нив":

– Тедахав' мань лыҗгараҗгудм'. Пыдхавар сит җыхы ян' манэ"җадамзь. Теда' си"ми пыдар хоин, тад лыҗгарабнани.

Тикы вадита пуд писякор җыхы ян' ни хань". Няда' понд' лахаця' ваҗган' лыҗгарэй", сенасипой" ваны. Хорекор нянда сянди" лахаця", неро" помна портанда хуркана мэн' харбелы". Писяконда лыҗгарёва' лахаця' хэвхана нядам' җораць пя. Тарем җортаханда няда' поҗгана лыҗгарёда писякода нянда син' еремя. Писяконд хореконда тивхана няда' помна лэрида марна". Лыҗгарёвы писякор муҗгартм' ни соя", хореко тэри тавада. Сянха-на хореконд җорта нядада җули" хайна сёнда сивна хая.

Тикы пуд ты" җадьбятю' писяко таминдо' җорьядо', сава җавраҗэ толабидо'. Пися-ко ваҗготам' хоб"нандо' ты" таняри' ня-вотаҗгу".

Раиса Яптунэ' падвы



Сидяҗг": Марина Ярой' тадгавы"



Интернет' мутравна сидна" хось пирҗада", туюкон' туюда".

ОБЪЯВЛЕНИЕ

СВОИХ НЕ БРОСАЕМ
ВСТУПАЙ В РЯДЫ РОССИЙСКОЙ АРМИИ

КОНТРАКТНАЯ СЛУЖБА ЕДИНОВРЕМЕННАЯ ВЫПЛАТА НА ЯМАЛЕ
6 700 000 Р **4 000 000 Р**

ПОЛНАЯ ИНФОРМАЦИЯ ПО ТЕЛЕФОНУ
8(902)816-11-90
8(34922)3-98-08
ЗВОНОК ПО РОССИИ БЕСПЛАТНО

МИНИСТЕРСТВО ОБОРОНЫ
РОССИЙСКОЙ ФЕДЕРАЦИИ
contract89.ru

Ямалхана СВО' няна сайнорта" ненэцие", мято' тер" е"эмня җадимдевы" няд"ма"





Џопой я' терва"

Тад нерня' сие ниць иры' 30 яля маня" нэрм' терүэ ялява". Хэвы похона тодо" тэнз" ненэцие" нобт' нятва яляхана тарем' таславы. Яна" саць ңарка ерв' табеконна яңга хар"на" хэбидя ялява" ңадимя.

Маня" Ямал' терүэ невхы илна" саирм' пилибт" нёдава". Хар"на" вадина" ңани' мэ"яна". Ты пэртина" сырандо", тандо' ямбан' – мюсерҗа". Халям' хадабадина" – ёрҗа". Ханенина" – хане". Мел" ненэциена" ңани' ңока", пыдо' сэдора, мирць ва"лэй". Илебей" ненэциена", ңа-цекына" етри' нерня' ңа". Җэрм' терүэ илма" смян тэнз' ңоляпыхана падтавыраха. Җани" нина" ня' помнана" хынёси" илева". Няха"на ваде"мандава", манэ"лабтавандава" ңока.

Саляңҗарад' хэвхана ңэда хардахана «Няръяна Җэрм» юн' падарм' минренисаванна теневайдо'.

Маня" нобтҗэв' Горнокнязевскан' тэворҗава". Тандая' «Мудрость веков»м' нюбета хэбидя яля танияна ңась. Ненадо серкана тодо" тэнзм' мэта" тараць. Илева' ңорта ңаврана" ңадимдеваць. Сидя юд' няю' ңопой тольм' ңавраха"на пандаваць.

Роза Җокэй, Ксения Ярој' ня' «Народы Арктики» мандалкана мэваць. Җэрм' тер" серо тасламбада департаментхана манзарани", Ямална" ты пэрти Союз' тер" ня' ңобкана ңавар сертабиваць. Сидна" тидхалембадаҗэ Лановой Павел тарась.

Колледжхана тохолкода" «Се-

веряночки» нюбе"җаць. Җарктадо' Сэрой' Нюдянесь. Пыда ма"нисяв: «Мале нябимдей тарҗа серт' еремява". Нямэхэна Варҗэ' яляхана ңавар пирембиваць. Сидна" нядаванзэ Вануй' Алла Хосевна турҗа. Пыда ңавар пиремба нули" тенева».

Хо" я' саляҗад хаби", «Найнын» мяд' тер" тоць. Тасу' хаби" ңани' тикахана мэць. «Изьватас» тер" ңысми" ңавар" тэнз' пирембиць. Таддикахад ңавар сертаванзэ луца", кыргыз", башкир", тувинец", хадян", калмык" товыць. Җаврадо' мал' ңавудо"җаць. Толь" ний" ёльце мер' терсялворҗаць.

Сёяха' вымна мюсертасавэй' мядоҗаць. Пыдо' лаханаць: «Ненэй вада' нямна ңэда лахарён' инзелева". «Ямальские лица Победы» толаҗгобць' нямна, хаби" вадавна ңэда мутра' нямна намдава". Мутрам' няд"мяць ңацекы" вадамдо' телефонувна тохоламба пирта". Пензер мимба тухува". Мирдатнахат тарана ңамгэдава" хова».

Саляңҗарад' тер" лаханаць: «Луца сё ненэй вадан' падыбада Салиндер Алексей' манэ"җава". Хо" я' саляҗад товысь. Манзеты": «Сёда яха' ентарев' хайна». Ненэсянда тарҗа ңэвы! «Вы' сей» тер", Евай-Сэрой' Надежда, тамна ңани" хыно"җаць. Сэдорана" не" сэдвы ембдяро манэ"җава". Ныхыдырць, яркула, санарць тухува».

Җэрм' тер" ялям' нюртей мэва' ядабтава". Тад нерня' етри' нобт' ма"люркава". Маймбахава". Ни"на" мяк' ядэркава". Россия' тер" тодо" тэнз" ненэця" сензувна илея". Невхы" ирина"на" табеку сяхаҗгарт' нёхона" юрьбю", ява" сянзэ илехэва".

Анна Яптик'
падвы



Сидяңҗа: Анна Яптик' тадтавы"



Газета
«Няръяна НЭРМ»

Главный редактор
Яр Марина
Тэтакучевна

ГЕНЕРАЛЬНЫЙ ДИРЕКТОР
АНО «ЯМАЛ-МЕДИА»
Зулинова Мария Андреевна

№ 18 Подписано в печать 30.04.2026 г.
Вышла в свет 2.05.2026 г.
По графику: 16.00, фактически: 16.00.

ПОДПИСНЫЕ ИНДЕКСЫ:
на год – ПА701,
на полугодие – ПР562.

Учредитель – департамент внутренней политики ЯНАО
(629008, ЯНАО, г. Салехард, пр-кт Молодёжи, д. 9, каб. 708).

Издатель – департамент внутренней политики ЯНАО (629008, ЯНАО,
г. Салехард, пр-кт Молодёжи, д. 9, каб. 708)

Газета зарегистрирована – Управлением Федеральной службы по надзору в сфере
связи, информационных технологий и массовых коммуникаций по Тюменской
области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559

Тираж 3600 экз.

Заказ № 155 тз (тираж 3600 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнунянца, д. 1, каб. 106

Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г. Салехард, мкр. Богдана Кнунянца,
д. 1, каб. 106
тел. +7 (349 22) 4-53-32

E-mail: nn@yamal-media.ru